

下

環溪清室



評選環溪草堂醫案卷下

江陰柳氏醫學叢書之七

無錫王泰林旭高著

江陰柳寶詒穀孫選評

及門諸子 參校

腫脹門

○病起欬嗽欬止而反氣升入暮尤甚面跗龐然浮腫腹雖未滿而按之不軟此屬腎風蓋風邪乘虛而入於腎腎氣上逆故入暮而氣升為甚用五苓通膀胱導出腎中之邪加細辛以徹少陰之寒風晚上再進都氣丸以安其腎庶幾久蘊之邪得解而腎藏無傷切弗輕視



此病須防腹滿之虞

五苓散 加大腹皮 陳皮 細辛 肉桂

另晚服都氣丸鹽湯送下

詒按腎風之名出於素問風論其所列證狀與此  
不甚符合但理可相通此案所立治法亦頗有精  
意蓋邪入於藏必借所合之府爲出路以五苓加  
味治其膀胱以導出腎邪隨用都氣以培腎藏之  
本邪正虛實之間面面周到率爾操觚者固不能  
辦此也

○風溼相搏一身悉腫咽痛發熱欬而脈浮擬越脾法

麻黃 石膏 赤苓 甘草 杏仁 大腹皮

通草

詒按欬而咽痛肺有鬱熱故用越脾

○風水者在表之風邪與在裏之水溼合而為病也其證頭面肢體浮腫必兼欬嗽故為風水更兼食積其腹必滿三焦不利法當開上疏中達下若不避風恐其增

重

羌活 防風 枳殼 萊菔子 杏仁 橘紅

川朴 茯苓 澤瀉 大腹皮 桑皮 葱

薑皮



北京中医药大学图书馆

詒按證屬外風與內溼相合故用藥從表裏兩解

之法

○內有溼熱外着風邪風與水搏一身悉腫此屬風水當發汗

羌活 香薷 陳皮 防風 赤苓 焦六麴

通草 生薑 葱白

○水腫自下而起腿足陰囊大腹胸膈咽喉無處不受其災水勢泛濫浩浩莫禦矣今先從上瀉下蓋肺主一身之氣又曰水出高源古人開鬼門潔淨府雖曰從太陽着手其實亦不離乎肺也

葶藶子 杏仁 川朴 陳皮 茯苓

椒目 炒出 薑 棗

另控涎丹每服 七分 薑湯送下

詒按病象已劇用藥自須從猛但控涎丹藥力猛

銳不宜過於多服須酌之

○病後脾虛氣滯浮腫食少大便溏泄法當溫運脾陽

黨參 茯苓 澤瀉 木香 冬朮 炮薑

苡仁 神麴 砂仁 穀芽

詒按病後浮腫屬虛故兼培補○以上諸案均屬

浮腫之病與鼓脹單腹脹諸證之關乎藏氣者輕



重淺深迥乎不同臨證者當細意分別勿混視也  
其有脘腹堅硬結塊者須與積聚癥瘕門各案參  
看

○溼熱內阻腸胃之間橫連膜原膜原者藏府之外肌  
肉之內膈膜之所舍三焦決瀆之道路邪留不去是爲  
腫脹脹屬氣腫屬水是必理氣而疏決瀆以杜腫脹之  
萌

黑白丑各五錢 萊菔子一兩 砂仁一兩 用陳葫蘆一枚將上

三味納入再入陳酒一大杯隔湯燉一炷香取葫蘆  
中藥炒研爲末再以葫蘆炙灰共研和每服二錢

論按立方取義頗佳凡腫脹初起者可以取用

○痢後陽虛水溼不化腹滿面浮足腫而色青黃脈細慮延鼓脹重證擬溫通脾腎之陽疏利決瀆之氣冀其脹消腫退為妙

川附 肉桂 白朮 澤瀉 茯苓 猪苓

川朴 陳皮 通草 冬瓜皮

論按病後陽虛腫脹故用胃苓法加溫運之品

○腹暴脹而足腫納食則脹益甚溼熱挾氣填塞太陰

鼓脹重證

川朴 赤苓 大腹皮 青皮 澤瀉 枳殼

腹脹 腫脹 惜餘小舍





查炭 黑丑 甘遂麩包 通草 薑皮

再診 腹滿稍寬足仍浮腫運脾化溼冀其漸平

川樸 茯苓 大腹皮 椒目 澤瀉 通草

陳皮 黑丑 蒼朮 神麩 枳殼 薑皮

三診 腹滿月餘得食則脹甚兩進攻消運脾之法胃

脘之脹已鬆大腹之滿未化再議疏通消導

旋覆花 五加皮 澤瀉 雞內金 赤苓皮

檳榔 木香 黑丑 通草 砂仁

詒按此三方治腹脹之由乎溼積者初起通用之

法



附錄葉天士按云徐姓小兒單脹數月百藥無效余  
用肥兒丸萬安散磨積丹雞肫藥俱不效余謂氣分  
不效宜治血絡所謂絡瘀則脹也用歸鬚桃仁延胡  
山甲蟻螂麤蟲靈脂山查之類爲丸十日全愈

詒按此等證本不多見但已經治驗自可存之以  
備一格

附錄吳按云腫脹久延腰痛帶下濁陰尙盛元氣已  
衰補則恐其助脹滲則慮其傷元擬早上服金匱炒  
焦方但取其氣不取其味亦有離照當空陰霾四散  
之義晚仍進清滲之方以膀胱爲氣化運行之府也

表裏兼治漸次圖功庶木德盛行之候不致加劇耳

詒按病難着手者不可無此巧法有以五苓五皮

煎湯送炒黑金匱腎氣丸者正與此相似

○瘧後溼熱內蘊於脾胃之中熱上蒸而為口糜溼內蘊而為腹脹擬和中清化溼熱為法

川連

酒炒

川朴

焦麴

赤苓

枳殼

大腹皮

澤瀉

陳皮

黑梔

砂仁

詒按案方俱平正通達特未知能否奏效耳

○病由肝鬱木橫克土溼熱不化先有淋濁愈後漸漸腹脹左脇微覺隱痛身微有熱脈象細絃木鬱不達慮



延鼓脹勿輕視之

柴胡 茯苓 白朮 香附 川芎 山梔

神麴 丹皮 白芍 青皮 川樸 香圓

另左金丸

詒按立方精當雖不見出色而已恰到好處

○氣鬱於胸為膈氣滯於腹為鼓飲食不納形肉頓瘦  
陰氣凝聚陽氣汨沒脈細如絲將何療治姑與扶正培  
土通陽化氣為法

黨參 熟附 肉桂 澤瀉 白朮 茯苓

大腹皮



另來復丹

錢一

論按病已造乎極重此方藥力之猛足以制之從  
止散此得效尙可勉圖

○痞塊由大瘧日久而結多因水飲痰涎與氣相搏而  
成久則塊散腹滿變爲臑脹所謂癥散成臑也脈細如  
絲重按至骨乃見絃象是肝木乘脾也口乾小便短少  
是溼熱不運也匝月腹日加大急宜疏通水道泄木和  
中

五苓散

加川朴

川連

薑汁炒

青皮

陳皮

大腹皮

木香

車前子

通草



另服古方厚朴散

川朴

薑汁炒三錢

枳殼

三錢巴豆七粒合炒黃去

巴豆香

晒乾研三錢

青皮

醋炒三錢

陳皮

鹽水炒三錢

甘遂

麵包煨三錢

大戟

水浸晒乾炒三錢

乾薑

炒黃三錢

共為末每服

錢一

用砂仁車前子泡湯調下

論按此治癖散成臑之妙劑凡遇此等大證必乘

早圖治若日久正虛便費周張矣錄此以為臨證

者一隅之取

○暑溼挾積阻滯腸胃中州不運大腹驟滿腹中時痛

痛則大便黏膩色紅似痢小水短少診脈沉而滑數是

積之徵也擬大橘皮湯送下木香檳榔丸



橘紅 白朮 赤苓 澤瀉 猪苓 大腹皮

滑石 木香 砂仁 川朴

另木香檳榔丸

三錢

詒按病兼滯利故須先從腸府疎導

再診 氣與水相搏大腹驟滿小便不利大便欲泄而

不泄法以疎氣逐水

香薷 茴香 澤瀉 枳殼 赤苓 萊菔子

甘遂 大戟 黑丑 白丑 生薑

詒按此方專逐水積力量頗猛想其正氣尚旺故

可放手用之



頭痛門

○情懷鬱勃肝膽風陽上升右目昏蒙左半頭痛心餽  
不寐飢而善食內風掀旋不熄痛勢倏忽無定營養消  
耗慮其痙厥法以滋營養液清熄肝陽務宜暢抱庶克  
臻效

○大生地 元精石 阿膠 天冬 羚羊角

石決明 女貞子 滁菊 鈎鈎 白芍

再診 服滋陰和陽法風陽稍熄第舌心無苔心餽善  
飢究屬營陰消燦胃虛而求助於食也議滋柔甘緩

大生地 石決明 麥冬 阿膠 火麻仁

長... 頭... 惜餘小舍





女貞子 洋參 白芍 茯神 橘餅

詒按此養陰柔肝之正法與前人復脈定風阿膠

雞黃等法用意相合

**諸竅門**

○鬱怒傷陰木火上乘竅絡耳生瘰肉名曰耳菌最屬  
淹纏久久不已防有血出翻花之變

生地 丹皮 北沙參 元參 遠志 鉤鈎

羚羊角 石決明 刺蒺藜 滁菊

另用藜蘆 腰黃 硃砂

上三味皆少許為細末點入耳中立效

